

四庫全書

史部

欽定四庫全書

史部

吳興備志卷十四

詳校官編修_臣曹振鏞

檢討_臣德生覆勘

覆校官主事_臣龔敬身

校對官主簿_臣汪日贊

謄錄舉人_臣張光熙

欽定四庫全書

吳興備志卷十四

明 董斯張 撰

象緯徵第九

晉成帝咸和四年冬天裂西北時蘓峻之子以萬人入

吳興天下有兵

太平御覽

安帝隆安五年三月甲寅流星赤色衆多西行徑牽牛

虛危占曰星庶人類衆多西行衆將西流之象其年五

月孫恩至京口内外戒嚴劉裕追破之元興元年七月

大飢人相食吳郡吳興戶口減半又流奔而西者萬計

晉書

咸平二年正月己卯月入南斗奎占曰吳分飢疫明年
兩浙大飢民疫死

宋史

皇祐元年六月己巳星出匏瓜赤黃有尾跡向南速行
至建星没占曰吳分有謀

紹興十七年五月壬戌水順行入東井占天下有川瀆
之事於是浙西大水

乾道三年庚辰月復入南斗奎是歲兩浙水旱

開禧九年正月丙寅月入東井兩浙有水災

上並

建置徵第十

郡縣沿革

城郭

公解

學

書院

亭館

郵傳

倉庫

營寨

市橋

坊巷祠觀附

張按郡縣沿革其名有相淆者後魏以襄州有洞庭湖改為湖州西吳里語混載之如樂遜龔儁席固皇甫道為湖州刺史李壽湖州戶曹從事李叔讓湖州長史是也吳永安二年分侯官為吳興縣江淹自序云吳興地在東南嶠外閩越之舊境圖經云晉尚書郎陸邁宋賀道力梁尚書郎江淹王琰皆為吳興令宋檀道濟封吳興縣侯沈懷明吳興縣子是也又長

興舊名長城武康舊名永安唐武德三年以武康為
安州四年復改為武州攷隋書及宋史地理志三州
縣舊名長城百泉縣後魏置長城郡黃石縣西魏改
曰長城如北齊信都芳後周令狐整封長城縣子是
也陽安縣西魏置武康郡如西魏崔士謙隋令狐熙
封武康郡公是也洋州趙宋置武康軍如福王與芮
及韓琦姚麟俱武康軍節度使畢再遇武康軍承宣
使是也洧水舊置永安郡黃岡亦名永安普安郡梁

改為安州武陵郡梁改為武州又宋史云開德府有
德清軍保安軍又有德清砦盛弘之云荊州有烏程
鄉不諳九域之書幾何不眯目耶

晉分天下為十九郡隸揚州隋初隸揚州行臺大業末

隸徐州總管

見統紀

唐分道置使屬江南東道宋領縣六屬浙西路

談志

舊圖經統記諸書據通典元和郡國志皆曰梁改為震
州陳後為吳興郡紹興中續圖經辨之曰自秦置郡至

陳未嘗改革隋氏一統始改郡為州太守為刺史按梁書杜龕傳龕為震州刺史吳興太守後遂以郡兵拒陳文帝軍是梁分浙西數郡為震州治吳興非改郡也其說亦未審自秦置郡漢元封中已分十三州置刺史至梁天監十年有州二十三郡三百五十縣千二十二後又恢拓土宇以舊州遐濶多所析置大同中有州一百七郡縣亦稱此謂隋始改郡非也以隋志攷之自梁以來徃往以郡為州以縣為郡又別置諸縣紛紛不一故

自天監官多兼領蓋當時以吳興郡為震州而烏程為吳興郡初未嘗廢郡名也舊唐志曰梁置震州取震澤為名是矣

舊傳晉郭璞欲移郡於東遷每立標輒為飛鳥啣去其女亦善地理啟璞無徙因舊址損益之可以永無殘破之虞璞從之其女今號遷城小娘子從璞廟食續圖經云即置于吳而璞當晉惠懷之際避地東南事不相類乃于菰城云秦改縣為烏程至晉始移治于苕霅之上

烏程縣治即古郡治又自相牴牾竊詳烏程治所當秦漢間已徙于今之郡中故吳寶鼎置郡詔謂永安故鄣等水悉注于烏程若在菰城豈得云此故知吳已前已在今處既以縣為郡則必即縣治為郡治而縣治為他徙矣璞隨元帝渡江仕為尚書郎損益古城之制相陰陽審向背庸有是理也今羅城之內苕水入西門餘不溪入南門至江子匯合流為霅水以出北門趨太湖西南諸山回環拱揖屏列于前北有弁峰以踞于後子城

居中面二水之衝挹衆山之秀又四面多大溪廣澤故立郡以來無兵革之患意非璞不能定不必引飛鳥以神其事也

上

晉太康三年平吳以平陽郡有永安縣改曰永康惠帝永元九年改元永康以年號同始改曰武康唐武德三年李子通攻陷郡縣以武康置安州四年八月吳王杜伏威遣其將王雄誕平子通改安州為武州

舊唐書參餘英志

湖州五湖之表州以為名

郡國志

湖州上吳興郡昭慶軍節度寶慶初改安吉州縣六烏

程歸安安州長興

望德清

緊武康

上貢白紵漆器

宋史

故長州在長興縣隋大業末沈法興置此州後廢

一統志

故安州在武康縣唐志云李子通立安州又曰武州唐

初因之尋廢

上

吳興在景德初有管鎮二十四其八已廢止有施渚大

錢東林烏墩東遷市山巡莫安吉長興德清武康新市

四安梅溪水口合溪共一十六所至熙豐間王存脩九

域志所載止存其六烏程有烏墩歸安有施渚安吉有
梅溪長興有四安水口德清有新市至嘉泰中又廢水
口置和平國朝設後潘大錢建市四安臯塘獨松天目
松坑口新市下塘巡檢司凡十所又商賈聚集之處今
皆稱為市鎮其處一十有七

勞志

以下城郭

郡城唐時開九門放生池側有閤門定安門東西各有
甕門並廢宋門六今因之

談志

古戶城統記云在烏程縣西一十九里吳孫皓時置文
皇帝陵戶二百家城于此

古卜城統記云在烏程縣西南六十里宋畧云龍驤將
軍益州刺史卜天與所築因名古卜城

後府城在郡西北二十五里吳地志云吳大帝所築一
云太子和築上

南潯城在縣東七十二里周三里元至正十三年張士
誠築洪武二年十月拆其石脩築蘓州城勞

穆王城在鳳亭鄉昔岳飛于此壘土結營後封鄂王謚

武穆遂以穆王城呼之其將壇猶在

安吉志

長城縣治內有子城外七門東曰朝宗西曰宜興南曰

長城北曰吉祥東南曰迎恩西南曰廣德東北曰茹茹

勞志

九里城在縣西南一百九十里

東林城在縣西南四十九里

西林城在縣西南四十八里

已上二城
吳時所築

大騎城小騎城並在縣西南一百二十里吳王濞所築
朱城在縣東南二十五里輿地志云嚴白虎壻朱叔廉
所築

四安城元季武萬戶重築城有四門東曰長安西曰廣
安南曰吉安北曰宜安址尚存

以上俱
長興

按談志安吉舊無城郭有六門惟西北二門有名西曰
齊雲門北曰迎恩門古桃志又載東曰迎春南曰崇陽
東北曰沙井西南曰教場

德清縣城舊在餘英溪北隋仁壽二年中使蘓倫徙于

溪南

並上

以下公廨

沙墀在郡廳事前墀外皆甃砌獨此方濶鋪以沙久莫之改紹興中太守王會命砌合之忽夜得夢翌早亟去

新甃至今如故

談志

舊傳郡治大廨居其中譙門翼其前卞蒼翼其後清風會景銷暑蜿蜒于左有青龍象明月一樓獨峙西南隅

為虎踞之形合陰陽家之說

卡蒼樓名

元馬煦牧吳興重建府治堂曰帥正右曰公生明兩推官之所居也左曰思無邪衆郡幕之所舍也

湖州重建府治記

浙西道院在郡治廳西即舊吏隱堂也徐仲謀為記宣和

中葛勝仲易為道院

談志

添差通判廳事側舊號山齋知州事陳之茂改曰無倦有記

通判廳在譙門內西偏舊司法廳紹興七年始為添差

通判廳題名有記刻石

僉判廳在衙東門內天聖中章侁作廳壁記治平中狀元許將建亭城上徐仲謀名曰桂香亭

添差僉判廳在子城外西淳熙中趙師臯始居于此趙善臨創廳事鄭鎮脩許開仲啟為記

節度掌書記廳在僉判廳西有集虛堂元豐三年陳師錫為記

錄事叅軍廳在子城外之西

司理參軍廳在子城外之西司理院在焉

司法參軍廳寶元初李惟甫請于郡建于子城西偏劉
昇為記後為添差通判廳

司戶參軍廳在司理院內

兵馬鈐轄廳寓弘禧寺路分都監廳在添差僉判廳西
舊兵馬司也

兵馬司在路分廳南兵馬都監寓焉

睦宗院在景德寺西廊

烏程丞廳在縣治東唐時尉曹倉廳有唐尉陸求修倉廳碑咸通以來為主簿廳後置丞始為丞廳主簿在縣治南舊在丞廳紹興中寓普寧寺後在浮玉亭

並上

以下學

湖州郡學舊在城西丁酉春燬于兵海陵潘元明贖城北華氏地及天寧寺圃以為廟學之基甲辰海陵唐志大始積財發廩造大成殿兩廡戟門既而永嘉陳昧設聖人四配十哲諸賢之像于廟西建講堂門廊其黝堊

丹漆之飾將完而一新矣前知府張宗敏復立櫺星門
飾聖賢像畢講堂工今知府顧公惟德乃大完之

明揭雲孔

子廟碑

立教堂講堂也胡安定取三禮圖儀物黜其于古無攷
而益求其未見者命工繪於壁歲久遂加圯墮紹興十
二年教授關注于壁間彷彿見舊畫重加繪事有郡人

劉一止記

談志

經史閣在立教堂後閣枕羅城氣象顯敞其下為堂曰

養源左序曰直舍右序為進士題名所紹興三十二年知州事鄭作肅修

禮象閣在齋館池上紹熙二年知州事王回建為樓五楹上繪禮像下之東西序為兩縣學

小學舊在齋館後面大池置生員破供視太學齋生三之二有教諭以司訓導後廢紹熙二年移置池左運使沈詵撥田二百餘畝專贍小學生

志復齋在齋館東以處習武進士也隆興以來兼崇武

學生徒之肄武業者教授叅掌之季補月書破供並同
諸齋生紹興四年始立射圃在志復齋東乾道四年知
州事唐瑑建有亭曰觀德時朝旨令賜第進士習射上
親閱于殿廷賞賜有差故郡置圃取孔子矍相之義並上
以下書院

東湖書院在長興縣東北二十五里元時邑人蔣必勝

勅詔賜額名

續文獻通考

淳熙十五年武康巨室聞人觀國觀時遵其父武經君

頤命作大成殿奉先聖及先師十哲像揭徽宗御書殿

額郡人蕭德藻作記

談志

高定子蜀人作同人書院于夾江修長興學創六先生

祠蓋以教化為先務

宋史

梅溪書堂在梅鎮宋淳祐十一年天台郭居和建內設

聖像旁立四齋集生徒肄業其中今有遺址

安吉志

東山書堂在州東三里桂陽范鏗建儲書萬卷招遠近

士子居之

上

以下亭館

杜牧之有云不是閒人閒不得願為閒客此閒行吳興

因建得閒亭

留青
日札

遠光亭在武康縣後溪之上宣和三年朱容建邑人劉
士英有記慶元六年知縣丁大聲改築

武康有潛玉菴縣令毛滂建淳熙十二年縣令程九萬
聚石作亭名松桂林

餘英館在餘英溪上館南有雙鴛沼張子野詞云雙鴛

池沼水溶溶南北小撓通即此也

烏鎮南郊本蕭梁之南亭有故營以衛太子五代時為鎮官接中朝詔使之所宋高宗自吳江取道駐蹕於此

烏青志

天隱樓在甘泉巷口宋之官酒樓也

慶和樓在上智潭北宋茶坊也每歲元宵則于池內張水燈戲最為繁盛第一春亭在官酒務衙內宋景定元年迪功郎酒正吳予之建

並上

德清縣治有松竹堂在廳西舊名宜堂後取韓退之出
宰山水縣讀書松竹林之句易名又有醉花堂香雪亭
明秀亭在縣圃內亭北甃藥欄種桃花海棠榜曰紅雲
島醉雪亭在明秀亭左取王荊公醺醺詩醉紅撩亂雪
爭開之句為名

縱雲臺在縣齋縣令沈造與沈長卿陳祖安觴咏于此
取退之釋嶠孤雲縱遂名縱雲劉一止為記

清意亭在縣治後宋縣令章鑑得古梅甚奇結亭于前

扁曰清意

貢茶院在長興縣西北四十五里貞元十七年刺史李詞以吉祥寺東廊三十間置有修貢堂堂上有唐貢茶

刺史題名

並上

以下郵傳

謝塘館在謝塘

談志

餘不館在州南

景山館在州東一十八里唐貞元十年于頔置

東遷館在州東四十里本名太湖館開元中張景遵置
大厯九年顏真卿易名東遷在古東遷縣地故也

震澤館在州東九十里開元年間張景遵置

並上

以上五所並皆唐時所置宋時已廢不存震澤今亦
屬吳江

德清縣餘不館在縣南二百步唐天授二年置

談志

安吉州并慈館在縣南

上

南潯館驛在南潯鎮洪武二年置十年革

勝志

以下倉庫

永寧倉在白蘋洲上唐李師悅建名永盈後曰永寧嘉祐七年知州事鮑軻修淳熙八年胡南逢重建參議蕭德藻為記常平倉在永寧倉內西倉在清源門內北岨臨溪貯義倉米

談志

軍資庫在譙門內舊架閣樓東咸通十五年刺史張搏建嘉祐中知州事張田重修徐仲謀記

烏程預備倉四所黃墅後村祐村後潘洪武二十三年

置義役倉在縣治東北

勞志

烏鎮都稅務司在衆安橋南知酒醋務兼收兩鎮稅務
設官提領一員後隸兩浙鹽運使司大德間移于南潯

革罷

烏青志

按談志宋世潯溪有酒坊

歸安預備倉四所花城東林千金思溪洪武二十三年

置

勞志

安吉國朝預備倉二所一在順安鄉一在梅溪鄉義役

倉在縣北三百步正統八年置

長興預備倉四所白鳥鄉方山鄉惟新鄉吉祥鄉洪武二十三年置義役倉在縣治東南

德清國朝預備倉四所樂舍後柳神林澍村義役倉在縣治內儀門西豐德庫在譙門內東北儀仗庫在忠愛樓西

武康預備倉四所崇仁泰原慶安武都義役倉在縣治

西

上並

以下營寨

教場在郡治西北淳熙八年知州事胡南逢重修亭宇

榜曰正己

志勞

長興教場在尉司西有序賓亭縣令林槩建德清教場

在尉司後安吉教場在尉司後武康教場在縣治東

元置鎮守營寨有萬戶府翼

宋大錢巡檢寨在烏程縣北十八里元大錢湖口寨治

在本處

巡檢司四所烏鎮永新後潘常樂

宋湖秀巡檢寨在歸安縣東南射村

元巡檢司四所湖秀施溪千金璉市

宋長興四安巡檢寨在縣西南三十三里

元巡檢司二所四安皋塘

牧馬寨在德清縣西九里宋牧馬于此淳熙間移于下
菰城

下塘巡檢寨在德清縣東南十八里紹興二十七年置

又荷葉浦寨在縣東南二十七里嘉定七年郡守林岳置

宋安吉幽嶺巡檢寨在縣南六十里

上並

以下市橋

烏程縣之東數十里有泊宅村時人不曉泊宅之義予寓居之明年買田適在村下因閱金石遺文昔顏魯公守湖州張志和浮家汎宅往來苕霅間此乃志和泊舟之所也續仙傳云志和越人而唐史以為婺人予喜卜

築之初聞同里之高風遂得友其人于千載因作詩識

之

泊宅編

湖州德清縣南前溪村則南朝習樂之處今尚有數百

家習音樂江南聲伎多自此出所謂歌舞出前溪也

唐大

傳

陸市在德清縣南十五里舊為市一夕平沉居人遂徙而東去所謂新市也陸市今為溪港下有堦基礎石甚多水淺天晴歷歷可見舟過竹篙着底磚石相擊有聲

人或得銅鐵陶瓦之器

談志

柳村在水口鎮東多植柳杜牧之詩柳村穿窈窕桃澗度喧飀又曰春風最窈窕日暮柳村西唐時修貢艤舟

處

長興志

魯般屋在東林山民戴氏居之相傳其先世遇異人款之甚洽為建屋數椽而去今歎甚矣視椽際多罅雖暴雨無漏痕世謂魯般造云

東林山志

駱駝橋在雲溪上舊傳此橋梁或摧圯將墜夜遠處聞

橋上若有千餘人工作呼聲及旦橋梁之將墜者煥然一新皆商舶上桅樯木也居處近橋者一無所聞覺或曰此魯般仙也

天中記

玩花橋在峴山寺門

峴山志

通錦橋在東林市北宋魯國忠襄公孟珙築別業于寶溪之西常遊錦峰建此以便陸行故名

東林山志

前石橋後石橋在府治西北玄妙觀後唐太和六年郡人徐氏以路多墊溺遂自前石橋至後石橋以石為路碑

刻在文宣王廟碑陰

勞志

倉橋在府治東舊名採蘋橋以其在白蘋洲北後人因橋南有倉故名倉橋

斜橋在駱駝橋西北以其水出自子城濠而形斜故名崔載華消暑樓詩云捲簾對斜橋即此也

皇祐橋在慈感渡口

並上

朱勝非云吳人謂虹橋為無星橋今吳興郡城有無星

橋即虹橋也

西吳語

以下坊巷

叢桂坊舊名仁政坊在隆興橋直至郭尚書廟華表對
峙太師觀文趙忠惠公府第在焉忠惠子江陰太守孟
奎擢丙辰第咸淳乙丑少監孟圻運判孟機師孟屋一
榜同登先是太師國公希惲監簿興哲都承與懃忠惠
公與懃世濟科美改今名

談志

莒陰坊在儀鳳橋西後名狀元坊以曾安宅故名

聽履坊在沈約宅前

烏氏坊程氏坊俱在烏程縣南

章后坊在天寧寺前章皇后宅故名

白華坊以潘綜純孝居此故名

以下祠觀

佑聖宮在弁山陽宋紹興初道士沈無礙結菴恍惚見
真武像命工圖寫刻石既而菴前石澗一龜一蛇相隨
而出自是建祠

勞志

修真觀在烏鎮按陳觀碑記宋咸平元年嘗有道士張

洞明者修真于此數有青鸞集其上元末遭兵燹洪武初里人稍稍輦菑披萊而建之天順間住持邱玉岩者

復繕云

浙直分署
記事本末

冲真觀在長興縣東二里晉咸康元年建唐高宗麟德三年正月一日封泰山日有重輪勅天下郡邑各置觀一所以重光為額遂立為重光宮宋治平二年改今額殿側有八角井世傳葛仙煉丹處

張渤後漢人初居郡之白鶴山唐顏真卿碑載其事乾

寧中邑人避宣城亂寓居弁山立草堂祀神時李師悅
為守夢神丐授館乃建祠于弁山之隅統記云舊傳王
之柳趙二姬實白鶴山之人建中靖國初知州事徐鐸

始創今廟

談志

祠山張大帝張秉武陵人一日行山澤間遇仙女謂
曰帝以君功在吳分故遣相配長子以木德王其地
約踰年再會秉如期往果見前女歸之曰當世世相
承血食吳楚後生子渤為祠山神神始自長興自流

聖澤欲通津廣德便化為狶役使陰兵後為夫人李

氏所見工遂輟故避食狶

群碎錄

湖州人事廣德張王者不食猪肉言張王曾現身為
猪故并剛鬣一牲避之不敢以祭亦不敢食陸德明
曰鯨為黃熊東海人祭禹廟不用熊白及鱉亦此意
也

廣德州橫山有廟志云生西漢末游苔雲之間夫人
李氏亦有昭妃廟至今香火甚盛以二月八日生辰

先一日必多風後一日必多雨俗人相傳以為神請其夫人之小姨飲酒故加以風雨欲視其足也可謂瀆神矣然至今此日風雨甚驟亦異事也又有埋藏之異是日土人殺牛祀之坎其庭中以所祭牛牲及器皿數百瘞于坎中明日發視之空坎一無所有

留青

禮曰

陳武帝永定二年正月甲寅遣中書舍人韋鼎策吳興

楚王神為帝

陳書

范丹廟在歸安縣七里店

歸安志

諸葛瑾廟在屠村

上

汪藻守湖州建言昔章聖皇帝幸亳次睢陽親屈帝尊
臨見雙廟旌巡遠異代之忠以風厲天下顏真卿叱叛
臣李希烈而死廟食吳興距行殿不能百里宜蒙褒典
增忠臣義士之氣詔從之賜號忠烈詔下公大治祠屋
書榜揭之郡有籍錄朱勔牕戶數十種丹漆之光可鑑
寮吏請為州治樓觀之飾公曰吾葺魯公祠可用為輪

真州人大悅

孫仲益汪公墓志

協順廟在石塚其神陸圭昭慶軍人宋熙寧間以祖澤補右爵調真州兵馬都監宣和末引兵進攻方臘敗之死而為神紹興間海濤衝激江岸神檄陰兵却潮潮勢遂平淳祐間江潮衝激尤甚隨築隨圯神與三女揚旗空中浮石江面以顯其靈岝賴以成浙西帥臣徐栗以其事聞于朝賜廟額曰協順封神為廣陵侯三女為顯濟通濟永濟夫人一主護岝一主起水一主交澤傍有

小廟祀十二潮神各主一時

西湖游覽志

烏將軍廟在烏鎮將軍姓烏諱贊仕于典午之東總戎討賊至東溪而沒裨將吳起就墓于烏鎮後起集餘兵下城邑經樵李而還設豆觴祀于神神憑卒而言曰子有功皆吾也吾當復承祐茲土觀聽者翕然遂創廟宋睦寇將至鎮境民皆禱于神已而賊自遁人有自賊中來言賊見雲蒸霧塞旌旗蔽空疑有官兵故返云吳越錢鏐遣兵戍烏程東南之九十里以立一障謂之烏戍

廟側有上智潭旱澇水不增減

上

按典午司馬也烏青志復以為烏重脗之姪一贊也
或晉或唐安憑乎

西吳季子廟在歸安縣西南前邱村祀吳季子札

浦志

朱明府廟在安吉州西南五里祀吳揚州別駕偏將軍
朱紀有墓在焉

上

永靈廟在新市鎮神姓朱諱泗晉懷帝時為鎮國大將
軍遭時多難力戰死國詔就邊立廟後族人感夢神建

廟於此吳越錢氏封保寧將軍紹興五年賜廟額志

惠應廟在德清縣東北梅林村祀漢鉅鹿太守魏霸神
兄弟雍睦為州里所慕和帝時舉孝廉遷鉅鹿太守及
卒里人祀之為土神宋建炎中金兵入境著靈異嘉泰
三年賜廟額惠應上

德清東岳廟后土夫人像冠作九龍從後向前與高宗
瑞應圖太妃冠服不殊又足躡岐頭履如米南宮所畫
文德皇后遺像蓋宋人塑手也貌亦端整惜乎剝壞耳

見只編

靈應廟在武康縣南二百步神姓徐諱天祐宋時縣人也一日謂人曰吾將往山東為國辦事言訖而逝邑人遂為立祠淳熙間縣中火知縣方導見神撲滅之志勞

天目龍神廟在孝豐縣金石鄉廟有龍井邑人禱雨最驗每歲春秋二祀談志云廟有古杉侵雲上已枯朽枝葉鬱然父老相傳僅百歲今不存矣志勞

吳興備志卷十四

欽定四庫全書

吳興備志卷十五

明 董斯張 撰

巖澤徵第十一

園第 陵墓附

句餘東五百里曰浮玉之山北望具區具區太湖也東望諸

毘名水有獸焉其狀如虎而牛尾其音如吠犬其名曰玃

是食人茗水出于其陰北流注于具區其中多鱉魚海山

經

天目山左高于地七千五百丈右高于地七千丈從廣

三十里上有澗中有魚可食無毒虫

太平御覽

天目山第三十四洞天名太微玄蓋之天上有兩池如

左右目因名天目其泉有異形之魚

洞淵集

天目山有兩湖謂左右目故名天目也山極高峻上多

美石泉水名茶

地輿志

天目山極高峻崖嶺踈疊西臨澗山上有霜木皆是數

百年樹謂之翔鳳林東面有瀑布下注數畝深沼名曰

蛟龍池

水經注

弁山者勾踐于此山鑄銅銅不鑠埋之生馬箠勾踐遣使者取徙于南村種之飾治為馬箠獻于吳

吳會分地記御覽所

司

弁山和採玉處山東足有一簣高數尺晉太康中人開之風雨晦冥遂止歷代莫知所封

郡國志

烏程弁山本名土山有項籍廟自號弁王因名山足有一石櫃高數尺陳郡殷康嘗往開之風雨晦冥乃止

說苑

康吳興
太守

孺山在烏程縣東二十八里後漢徐孺子哭友人冀州
刺史姚元起于此時九江吳子翼嘲之曰南州孺子弔
生送死前慰林宗後傷元起山有孺子祠故名宋紹興
中郡侯撤淫祠土人按圖經為言祠得不廢

談志

西余山在縣東一十八里漢封東海王予為顧余侯即
此

勞志

吾鄉妙喜謂之杼山謂夏王杼嘗巡歷于此故名其西

曰夏駕山又有夏王村

癸辛雜識

敢山在德清或云吳丞相闕澤所居當作闕

諺志

戴山在烏程晉戴逵嘗居之

勞志

葛仙山在烏程縣南晉葛洪隱此有煉丹竈搗藥臼職方圖志云葛洪煉丹處天下十有三烏程居其三即此

山也

西吳里語

吳興人指南門外二十餘里下菰菁山之間一帶遠山為西塞山也山水明秀真是絕境家有小舫時時載酒

浮游其上當八九月秋氣澄爽尤可愛玩特恨無志和

詩筆胸次耳

經鋤堂
樵志

歐餘氏今烏程東二十里有歐餘山一曰烏山一曰歐

亭山以王逸少昇之曰昇山路

史

繡毬山在錦峯西北多篠簜舊傳羅隱云官澤水長流

東林滾繡毬菁山如走馬代代出公侯

東林
志

學士山在蘓灣面對峴山右挹碧湖子瞻常游故名或

曰即方屏山

峴山
志

上下釣魚山俗名鮑山潘塘山志云從錢山北去為潘塘山上釣魚崗迤而高下釣魚石坦而夷遠望如嚴陵釣臺近挹如石公之陂陀石

上下河口山程文簡公讀書處上有武安王廟釣魚河口四山相對四山交牙而湖盤踞于內

並上

白鶴山出山石精好作為碑版江東記云員邱山石精好不謝吳興即此也

誌

邱閣山在長興吳大帝遣從弟孫覓修故障邱閣下有

邱閣溪

吳地志

執香山在長興縣北一十五里相傳為西施種香之所

又名湖陵山

勞志

龍牙洞在安吉州西南五十里宋時有僧智光于洞中

得龍骨遂結菴居之名菴曰不朽洞曰龍牙

一統志

武康銅官山有石燕洞燕之隱見以春秋分與巢燕同

見則其地多雨

西吳里語

湖州江子漚舊多蛟馬仙泊舟之後至今不生夏月多

聚舟

楊升
菴集

茗溪一源自天目一源自獨松嶺合浮玉山水至吳興入于太湖霅水亦箬水之異名也水深不可測俗謂之

霅水

輿地
志

茗溪夾岼多茗花相傳古有尹公者有異術此水或潮至日暮風生長數寸號為尹公潮

經圖

統記云興國寺在霅溪館西霅溪館今雙溪亭是也而烏程縣南浮玉亭舊名霅水堂縣西有霅水鄉二處所

臨乃是苔水今餘杭又有苔溪館定安門內有四水亭
皆相承之悞

諫志

真珠泉在烏程縣西南二十五里妙喜之東北池方丈
餘其泉清澈觀者以足震地則泉中水泡連起如珠

勞志

橫塘面南山之勝對南溪之流自郡戶口蕃盛士族漸
多增土為園池賈牧詩曰洄洄流水抱橫塘蘭芷無風
也自香及建炎中徙慈感教院于上春月多遊人來往
今大半為亭館沼沚矣

諫志

潮音渡在慈感寺內

月河在府治東形如初月

志勞

凡常河在烏程縣西二十七里

上

尋溪在縣東七十二里其水自郡城運河東流與震澤

鴛脰湖接

大明一統志

芙蓉池在郡城白蘋洲楊漢公所開池中有千葉蓮

放生池在郡城距羅城有閤門遺跡池周數十畝

蘓灣在峴山寺前其堤蘓子瞻為守時所築因名其灣曰

蘓公灣堤曰蘓堤上

夾山漾在山之陰兩岼皆山故名山名雞籠亦名夾山

漾在其西左右有能仁福山二放生池

岼山志

百花洲宋熙寧中郡守孫覺創開于岼山之麓外植菱荷內栽花柳亭榭參差竹木森修水陸通道往來鱗集釣魚灣在烏程縣西三里古稱張志和釣魚處上

梅涇一名東梅堰在烏程縣西南六十里以古梅亭為

名
勞志

煉丹井在東林山天鑿無痕寬深十尋其泉冽雖大旱

不涸世傳葛洪嘗煉丹于此

東林山志

合溪畫溪箬溪本同一溪其發源處為合溪有朱藤處

為畫溪其下為箬溪

長興志

小白瀨在長興縣東南三里一名白靈湍

勞志

石鼓堰長一十四里濶五十步在縣北一十七里其源

出天目山可溉田百頃唐聖厯元年縣令鉗耳知命所

造上

餘漁浦一名餘吾溪虞舜漁時人化之徠居

史路

上池在長興縣西二十五里陳武帝別墅也

五官竇在武康縣北二十里吳五官中郎沈珩居之因

名上

虎溪在湖州安吉縣方真人修道處

杜光庭七十二福地記

梅溪在安吉東北昔年嘗有紫梅花盛開又號紫梅溪

勞志

乳水潭廣一丈與下潭相去數百步味甘色白可瀹茗

或三潭水湧則渾為一平則乳色自分

安吉志

拋錢池在州東東岳廟前鄉人每祈禱以紙錢投之視其浮沉以卜吉凶上

以下園第

吳興山水清遠城據其會狀其景者曰水晶宮曰水雲鄉曰極樂國城之內觸處見山觸處可以引溪流故凡為園囿必景物幽雅雖近市如在雲岩江村所以為貴也唐開成中白蘋洲有三園錢氏時清源門內有芳菲

園國朝寶元中定安門內有南園今廢為庾廩矣居宅
矣招提矣園之亭館自白蘋外俱不可見鄉老寓公多
為芳圃亭宇相望沼沚旁聯花木蒨茂遊者爭眩物固
不能兩盛也

談志

程氏園文簡公別業也去城數里曰河口藏書數萬卷

作樓貯之

癸辛
雜識

小隱亭桂芳亭叢桂亭探梅亭俱在沈知丞園內亭臺
森列相傳有三十餘所今逸其名皆張即之書遍一池

可容舟楫人以武陵園擬之

吟望堂水天一色堂在沈左藏園內

流盃亭風月無盡藏亭在顧尚書園內

並上

嗣秀王伯圭湖州私第中有堂曰慶遠圃曰小隱樓曰

溪山勝槩扁榜皆三朝宸翰也

樓攻媿崇憲靖王行狀

以下陵墓

九女塚黃巢之亂嘗發其巔有穴可縋而下見石屋一

區壁間隱若有碑刻圖畫

志

吳越王妃許夫人墓在安吉州東南三十里銅山鄉上

吳中書令鈕淑墓在烏程縣西十里

諫志

丹陽太守太史慈墓在烏程縣西十七里

晉黃門侍郎潘尼墓在烏程縣西八里

宣城太守卬珍孫墓在歸安縣南十八里

原鄉侯章道勇墓在烏程縣南一百里

並上

五代時錢超墓在長興縣西七里白蓮山吳越錢氏有國超以宣德軍節度使推主陟門宗人事墓上有松一

本如指叢生俗呼為五枝松

長興志

宋秘書監徐廣墓在縣北二十八里

上

宋安關郡王伯暉墓在通安橋東南

烏青志

僧遵式墓在壽聖塔院之西北隅朝散郎鄭續撰塔銘

上

宗正少卿姚舜仁墓在烏程澄靜鄉趙村

談志

中奉大夫李弼儒子朝奉大夫李迎葵烏程縣三碑鄉

金山原周必大志其墓

平園續索詳藝文

龍圖閣學士程大昌墓在安吉縣梅溪鄉邱閣山上

趙彥倓歷福建轉運司使直顯謨閣少卿葬于武康縣

上栢山

武康志

朝請大夫盛允升墓在金盖山

龜溪集

考功員外郎括蒼鮑慎由欽止元祐初以任子試吏部

銓第一復登進士乙科甫脫選即為郎其父粹始居于

吳故葬于吳興

文獻通考

沈嚴寧海軍節度掌書記以寶元三年二月葬于德清

縣之永和鄉范仲淹志其墓

范文正公集

嘉泰改元嗣秀王伯圭賜第為火災延燔乞還湖州故居守園廟二年九月薨十一日諸孤奉王之喪葬于烏

程縣永新鄉成山之原

樓攻媿崇憲靖王行狀

宋魯啓朝請大夫葬歸安縣至孝鄉仙嶺周必大志其墓

宋魯嘗直敷文閣葬武康縣慶安鄉後汪村之原亦必大志其墓

袁直友字聲史建安人父延孺知武進縣葬武進君于
烏程厲山初虞丞相薦君既不受舉進士亦不中第弟
說友知衢州光宗立持其表來賀得海鹽催煎未久葉
去為常州推官又棄去以嘉定六年二月二日卒年八
十五月六日祔于武進君之墓

葉水心表
公墓志

趙孟頫墓在蘓灣之方屏山今為學士山

峴山
志

姜處恭字安禮臨海人寓嘉興祖仲思朝散郎父說從
政郎葬武康上柏岩山處恭葬從政君墓西百步葉適

銘其墓曰其詩則傳尚不忘哉

葉水心集

胡安定先生墓所舊有表思堂碧澗菴乃墓所奉祀先生之處田二十畝地十三段則墓所奉祀先生之資

王麟

重修安定墓記

陳賢良墓在烏程三碑鄉蘓灣里蓋山與其妻壽安縣君婁氏同域清真先生銘其墓

嘉興志

元休寧縣尹唐子華墓在烏程縣西南二十五里沈村


勞志

元上元主簿牟應龍墓在三碑鄉上

李龔字和父趙文耀為志葬之何道兩山間植梅樹百

株趙德符題其墓曰宋詩人雪林李君之墓

佩楚軒
客譏



吳興備志卷十五

欽定四庫全書

史部

吳興備志卷十

六至九

詳校官編修

臣曹振鏞

檢討

臣德生覆勘

覆校官主事

臣龔敬身

校對官主簿

臣汪日贊

謄錄舉人

臣張光熙

欽定四庫全書

吳興備志卷十六

明

董斯張 撰

田賦徵第十二

唐歲貢御服折造布二百二十端紫笋茶一萬串供上
食厨糙糯米一千三百八十三石三斗三升黃糙米一
百九十八石木瓜糝四柑木瓜煎三柑單黃杭子一千
三百五十顆重黃杭子一千三百顆

談志

按新唐志湖州土貢御服烏眼綾折皂布綿紬布紵

糯米黃檀紫笋茶木瓜杭子乳柑蜜金沙泉統記云
龍德三年貢布三十端供御服折造布二百九十疋
大厯六年始進木瓜糝大厯元年進木瓜煎單黃杭
子二年進白蜜三石重黃杭子五年進以上州司並
以兩稅錢和市充

黃糙米貞元十三年進糙糯米十四年進砂盆十五
年進元和五年減米六十六石本郡未嘗經兵火桀
閭典籍具在統記興國中攝本州長史左文質纂有

可考據故所載年代數目可以補史之遺缺

宋太平興國三年貢乳柑五百顆白編布二十疋紫笋
茶一百角金砂泉一餅其餅浪銀打成并鎖鑰重五十
六兩大中祥符間貢白編布二十疋乳柑五百箇熙寧
中貢白紵二十疋漆器三十事紹興以來貢白紵編布
二十疋

竊考唐之歲貢如烏眼綾綿紬布紵唐初所貢數雖
不詳統記載龍德三年布三十端可見其不多矣供

御服折造布與木瓜杭子茶蜜代宗大厯元年至六年始進惟是以兩稅錢和市供故不甚病民糯米黃糙與沙盆德宗貞元十三年至十五年始進至元和中米已三損其一乳柑不載所進之年紫笋茶大厯五年始於顧渚置貢茶院院側有碧泉湧沙漿如金星則金沙泉亦大厯後所進也唐自高祖太宗以慈儉保養天下物貢有常未嘗妄取後嗣相承至於肅宗不聞更易大厯貞元間荐經兵革貴官用事至以

口腹之奉責供於遠不憚煩費累增不已亦足見唐
室盛衰之政也入國朝吳越歸版圖于職方郡始修
貢每歲惟貢編布乳柑茶角餅泉如統記所載視唐
數已大歟後又減茶泉故舊圖經惟載柑布二物後
又免進柑故九域志惟載白紵漆器今止貢白編布
而已列聖相承以節約為家法先王所謂物土之宜
而致其利者代益以損可為萬世法

以上並
談志

熙寧十年以前天下諸州商稅歲額浙西路杭十三務

十萬貫以上湖十務秀七務俱五萬貫以下酒課歲額
杭十務三十萬貫以上湖六務秀十七務俱十萬貫以

上

文獻
通考

張按浙西三郡湖最險僻十茗水不抗一錢唐即秀
之殷贍濃華何翅天上而宋世稅額視杭且半實與
秀衡湖民生此時寧無長楚之嘆聖世曠然一蠲之
何幸也

紹興間三丁共納絹一疋為錢七貫省每丁計納兩貫

三百以上細民重困多有轉徙三十二年轉運司行下
給甲帖付人戶自排丁名以是絕隱漏之弊數多增剩
知州事陳之茂陳請乞以所增剩丁各抵元數從之自
是五丁共絹一疋每丁僅納一貫三百文減幾及半民
得小蘇然視他郡猶重也乾道八年知烏程縣事余端
禮力請於朝丞相曾懷將相府別項錢抵納又減作七
丁共捐納一疋今每丁納一貫省又折納官會率為錢
五百是二公之德鄉人不可忘也

談志

景定四年賈似道以國計困於造楮富民困於和糴思有以變法而未得其說知臨安府劉良貴獻買公田之策春二月買公田于浙西臨安通判陳言往湖秀催督謝奕燾趙與訾王唐珪馬元演買田湖州浙西六郡買田三百五十餘萬畝初買田時務欲數多不計田之美惡及收入之際田畝或少或瘠佃人或貧或頑凡有所負及不足之數悉取償于田主於是六郡人莫不破家

者矣

通鑑
續編

張按癸辛襍志知郡謝奕燾寓公趙與訔撫幹王唐
珪臨察判馬元演五月復立分司以董楷司安吉公
田與訔即孟頫之父也

元延祐元年秋詔江南民自實田先是張驢言浙江江
西田多敗蔽請經理即命驢往限民四十日以前所有田
自實於官期限猝迫富民黠吏並緣為奸民不聊生樞
密副使吳元珪入見言江南平幾四十年戶有定籍田
有定畝今經理者務增多為能元元困苦恐變生不測

非國之福命遵舊制免江西浙江自實田租張驢在浙江復以括田迫民有死者御史臺累言其害故有是詔

函史

洪武七年甲寅五月上以蘇松嘉湖四府租稅太重特令戶部計其數如畝數稅七斗五升者除其半以甦民

力

松江新志

洪武十七年甲子七月命蘇松嘉湖四府以黃金代輸

今年田租上

建文二年三月翰林院侍書史仲彬疏曰國家有惟正之供賦役不均非所以為治江浙本賦重而蘇松嘉湖又以籍入沈萬三史有為黃旭紀定準租起稅此以懲一時之頑豈得據為定則乞悉減免以蘇民困竊照各處起科畝不過斗即使江南地饒亦何得倍之奈有重至石餘者臣往年面奏先帝賦斂太重蒙旨加勞特以臣本蘇人而史有為又臣之族屬也恐坐以私未敢盡言幸逢皇上明聖事每從寬敢竭愚忠伏聽採擇疏上

報可

致身錄

正統元年三月令浙江嘉湖直隸蘇松等府官田起科
每畝秋糧四斗一升以上至一石者減作二斗七升二
斗七升以上至四斗者減作二斗一升一斗至二斗者
減作一斗從巡撫周忱之言也

資治通鑑

國朝湖州歲貢南京殭蠶一十五斤乾葛五十斤桑白
皮二十斤牛膽南星二斤烏梅三十斤蔓荊子三斤草
決明五斤禮部殭蠶一百三十五斤烏梅三百七十斤

乾葛五百五十斤桑白皮二百八十斤牛膽南星一十八斤蔓荊子二十七斤草決明四十五斤枳實三百八

十斤

浙江
通志

吳興備志卷十六

欽定四庫全書

吳興備志卷十七

明 董斯張 撰

水利徵第十三

三江既入震澤底定孔子以太湖為震澤而不名三江
意若以北江中江與南江為三江在荊州之分漢沱參
流則別為三在揚州之分因入于海則合于一所謂北
江者今丹陽而下錢唐皆是也孔子本未嘗至吳故其
解北江以自彭蠡江分為三入震澤為北江入海不知

北江本與震澤相通以太湖為震澤亦非是周官九州有澤數有川有浸揚州澤數為具區其浸為五湖既以具區為澤數則震澤即具區也太湖乃五湖之總名耳凡言數者皆人資以為利故曰數以富得名而浸則但水之所鍾也今平望八尺震澤之間水瀰漫而極淺與太湖相接而非太湖自是入於太湖自太湖入于海雖淺而瀰漫故積潦暴至無以洩之則溢而害田所以謂之震猶言三川皆震者然蒲魚蓮芡之利人所資者甚

廣亦或可隄而為田與太湖異所以謂之澤數他州之澤無水暴至之患則為一名而已而具區與三江通塞為利害故二名以別之禹貢方以既定為義是以言震澤而不言具區此非吳越之人不知而先儒皆北人但據文為說宜其顯然失之地理而不悟也

避暑錄

三江與震澤相通者或洩震澤而入海或合震澤而入海其一為吳淞江固無疑矣其二不可名今青龍華亭崑山常熟皆有江通海與震澤連意必在其間韋昭言

浙江浦陽松江者其妄固不待較而王氏言入者亦不可為入海凡言入于渭入于河皆由之以往言其終也三江既自為別水非有所從來前既未嘗言入于海不得直言入於島知入之為入海但文適同耳當如既陂既澤既導既瀦之類各就其水言之既入者言由地中行也凡傍海之江皆狹非大江比海水兩潮相往來始至而悍激則與沙俱至既退而後則留其沙而水獨返故不過三五歲即淤浸障塞水不入於江則不能通于

海知澤受之而為害若江水自由地中行各分而入海

震澤安得有決溢耶

避暑錄

唐憲宗元和中湖州刺史范傳正開平望官河淤澱

吳江

志

按平望古屬吳興

蘇軾言三吳之水渚為太湖太湖之水溢為松江以入海海日兩潮潮濁而江清潮水常欲淤塞江路而江水清駛隨輒滌去海口常通則吳中少水患昔蘇州以東

公私船皆以篙行無陸挽者自慶厯以來松江大築挽路建長橋以扼塞江路故今三吳多水欲鑿挽路為十橋以迅江勢亦不果用人皆以為憾

宋史

蘇文忠疏言吳中水利甚為切當弘治中工部侍郎徐公貫治水亦用此法先將吳江長橋一帶芟葦之地疏濬深闊後濬吳松諸江導水以入于海然後開湖州諸港洩天目諸山之水以入于湖數十年湖無水患今長橋一帶日漸塞又于各江釘椿以防海寇

使江水不得迅駛海潮之沙停滯以致湖水不得洩

去有志於經世者宜知之

長興志

張綸字公信汝陰人天禧中為江淮發運副使居二歲

增米八十萬疏五渠導太湖入海復租米六十萬

合璧事類

參宋史

乾興元年五月丁亥詔蘇湖秀州積水害稼其發隣郡

兵疏導壅淤仍令發運使董之甲午遣尚書職方員外

郎楊及往蘇湖秀州催督疏導

姑蘇志

慶厯二年守臣以松江風濤漕運多敗官舟遂築長堤界於松江太湖之間橫截五六十里又修荻塘通湖州

凡九十里

吳江志

葛書舉字規叔江陰人熙寧中調餘杭縣主簿是時朝廷興修二浙水利議者謂苕霅二水出於天目之山而溢於太湖書曰三江既入震澤底定今二江並廢獨一松江入海故太湖之水壅而吳興被患遂欲廢北關長安二埭上塘之渠以與下塘相通又於餘杭之南股引

苕溪之水達於漕渠穿錢唐之市而入於江以紓吳興之患時多以為然部使者檄君行視君以為吳興之水原於太湖太湖廣袤四萬八十餘頃旁占數郡其所灌輸非獨苕霅也書稱三江震澤說者不同就如議者之言則尋常溝瀆之流豈可以比二江之任祇益紛擾耳且錢塘二埭其來久矣大役之興古人所重固執不可議者不能奪其事遂寢故龍圖閣直學士李公常時守吳興聞君之說貽書嘉嘆部使者亦知君而交薦之

秦觀

葛宣德

墓志

熙寧六年沈括言浙西諸州水患久不疏障堤防川瀆
皆湮廢之乞下司農貸錢募民興役從之

文獻
通考

方道通判平江府嘗論太湖高於運河當疏雲川浦淩
之要者庶無饑歲後湖守得其說為之果有功焉

樓攻
媿集

紹興間兩浙轉運副使趙子瀟知平江府蔣璨言太湖
者數州之巨浸而獨洩於松江之一川勢有不逮是以
昔人於常熟之北開二十四浦導之江崑山之東開一

十二浦納之海後為潮汐沙積而開江之卒亦廢於是

數州民田有淹沒之患詔監察御史任古視之

西吳里語

隆興三年八月詔江浙水利久不講修勢家圍田湮塞流水諸州守臣按視以聞於是知湖州鄭作肅等並乞

開圍田濬港瀆詔湖州委朱夏卿

宋通鑑

徐誼論浙西水利曰昔下流不疏而水上溢故鑿直曲港還三江故道開宜興百瀆所以順導下流也惟高亢田徑乃瀦堰之爾昔之言水如單鍰郊亶皆是也今開

吳松江下流與宜興瀆屬之海者無慮數十百所異時
浦港磬折以趨海今近浦之民多取徑直決蘇湖常秀
舊為澤國比年雨或後至種且不入蓋圍田衆而疏導
多也小人見利不畏其害圍於淺水既為高田圍於茭
蕩既為稻田二懼不已復有下脚始之重陂大半為土
始之良田皆水自曬十日不雨農廢作業然且仍用舊
說又將疏之失利害之實矣故舊田溝澮當濬治圍田
下脚無輒開已開未填當捺合今之言水者能行是三

說則高原舊田還為行沃而農不病矣

葉水心徐誼墓志

元大德元年徹爾為江浙行省平章政事時江浙稅糧
甲天下平江嘉興湖州三郡當江浙十六七而其地極
下水鍾為震澤東注由吳松江入海歲久江淤塞豪民
利之封土為田由是浸淫泛濫敗諸郡禾稼朝廷命行
省疏導之發卒數萬人徹爾董其役凡四閱月畢工

續文

獻通考

紹興間大理寺丞周環言臨安平江湖秀四州低下之

田多緣清水浸灌蓋緣溪山諸處併居太湖水為二派
東南一派由松江入于海東北一派由諸浦注于江其
江洩水諸浦中惟白茅浦最大今為沙泥淤塞每歲暑
雨稍多則東北一派水必壅溢遂致浸傷農田欲望令
有司相視於農隙開決白茅浦故道俾水勢分派流暢
實為四州無窮之利近年以來浙西常有水患公私交
病崇寧紹興間疏導故跡尚可尋訪乃未有建明者四
十二灣古云九里為一灣一灣低一尺二百四十里到

三江口三百六十里到大海三江口江面闊九里地勢
低於震澤三丈潮水來時水高三丈到震澤底定震澤
即太湖也所以謂之平江三江口吳江水與湖水相會
合之處謂之滙也

名臣
奏議

隆慶四年二月從撫臣海瑞奏重濬南直隸之吳淞江
白茆塘瑞因請量留各處贓罰銀漕糧二十萬石折銀
濟工有旨聽其動支蘇松常及杭嘉湖贓罪銀餘不許

續文獻
通考

湖地春秋苦霖冬夏苦旱隴高者病出畝下者病入然則治水奈何亦尋其源究其納而已矣源何在在天目山之陰苕溪東過安吉州入於郡北門與江渚匯合山之陽為餘不溪東過歸安縣入於郡南門亦與江渚匯合然則江渚匯者其衆流之所會乎匯而支流東徑駱駝橋出臨湖門復會入於昆山溪以納於太湖此我湖水勢之大畧也然則太湖者其百川之所歸乎安吉孝豐陸地也遇汎則有懷襄之患烏程歸安諸邑水鄉也

因漲則有田廬之厄水之害湖郡比他郡尤甚者此也然救之豈無術乎抑拯之者之因其習也夫習有可因古者常以竹為圍置石於中以捍廣苕之水今猶昨也亦因之而已矣若夫廣苕諸鄉豪縱於昔吾見塞源斷流高者開水以自便下者積水以畜魚一遇水發堤防壅塞不由故道此其發源受病一也濱湖諸民徧植杞柳填委諸淩日積月累漸成蘆蕩窪者為魚池廣者為桑地淩港不得洩其歸啓閉無所因其候此其歸納受

病一也宋守葉邦榮有水政書王回有啟閉漙閘碑侍郎徐貫之有疏參政周季麟有議今果能遵行否夫有規制以開其源毋壅蔽毋為勢家所占則水得以潤下有版閘以導其歸毋湮廢毋為小民所侵則水得以受納又能因其地形曲為堤防因其磽确預使儲水上游勿積下流勿壅諸經佔佃者毅然使復還其故水患庶乎其少弭

王道隆
野史

夫塘決海昌患在一邑耳往時當事諸賢顧役及外郡

者何哉亦以地脈相因其利害之所關甚大也蓋海寧
於吳為陞於越為首地形最高故境內麻涇洛塘長水
塘諸水皆從北流一從東北由松泖趨滬瀆江入海一
從正北過吳江趨白茅港入江俗因指吳江塔巔與長
安壩址相並則海寧之地高於他郡邑其辨甚明故海
寧之海一決注彼諸處如建瓴然嘉湖蘇松之民其不
胥為魚鼈者幾希矣然則障海昌者亦所以障列郡塘
之修廢其有關於東南利害甚切

姚善海
塘考

吳興備志卷十七

欽定四庫全書

吳興備志卷十八

明 董斯張 撰

選舉徵第十四

薦辟

進士

宏詞

鄉舉 封蔭附

宋制丹陽吳郡會稽吳興四郡歲舉二人餘郡各舉一

人 通典

漢沈鸞沈直州舉茂才

以下詳人物徵

沈亮州辟從事

沈正弱冠州辟從事

晉鈕錫察孝廉

邱滔舉孝廉

晉沈陵東海王越辟從事

沈演之舉秀才為嘉興令有能名

沈冲舉秀才為巡撫記室

沈憲初應州辟為主簿

邱遲在齊以秀才累遷殿中郎

邱仲孚永明初為國子生舉高第

沈不害年十四補國子生舉明經

姚璿姚班舉明經

唐沈懷文沈豪之並舉孝廉

並上

沈玄望德清人舉孝廉為兗州司馬

見釋真乘傳

錢珣以宰相王溥薦辟知制誥

詳人物徵

宋仰忻舉八行

沈友直舉賢良方正孝廉

趙奕舉茂才

趙文敏
神道碑

以下進士

鄔載天寶十二年登第

唐詩
紀事

載吳興人見掌故

唐以詩取士錢起之鼓瑟李肱之霓裳是也起名在第

六豹鵠賦

困學
紀聞

衢按姑蘇志起天寶十年進士

沈亞之元和十年進士

詳人物徵

楊衡大厯間擢第

文苑英華詳藝文

沈詢沈樞傅師子俱進士孫沈顏天復初進士

詳人物徵

錢可復可及俱徽子登進士

舊唐書

沈光吳興人羅隱有送沈光及第詩

文苑英華

邵錫吳興人僧無可有送邵錫及第歸湖州詩上

蔣子友乾符中進士

見談志寺院下詳白法志

沈嚴字叔寬德清人祥符八年省試第四人廷試中甲

科除南康軍判官歷海寧軍掌書記

范文正沈嚴墓志詳掌故藝文

葉清臣天聖二年第二人及第

氏族大全

張按事文類集清臣名在第六詳瑣徵

范說吳興人咸平三年進士同學究出身歷司封員外

郎

陳振孫張氏十咏圖跋

周頌吳興人天聖八年進士歷大理丞

上

余拂南宮魁

詳人物

盧革年十六省試解元

林肇寶元中進士

勵靜湖州人嘉祐中進士

西吳里語

沈當字退夫德清人賜同三禮出身累遷國子監丞宗仁朝

熙寧三年庚戌榜壺德字季升元豐間為雲巖令性孝友工書畫與楚州徐積善同師胡安定公事見西山廣

記烏鎮人

烏青志

吳鎮卿宣和中進士

詳人物

王邁子圭俱登進士

張按宋有三王邁一字實之莆人見宋史一字英伯
京口人見柱史一字德遠安吉人范石湖之婿也

趙善養年十九登進士子汝成汝恂俱登第

趙彥博子贊夫孫時逢俱進士

沈播 播四子

俱詳人物

時雋登進士

詳寓公

葛郟省闈十六人葛郟甲科第七人

俱詳瑣微

沈介彥聲之孫年十八登進士

勞志

朱吉甫貢舉擢本經第一

安吉志

潘蕢歸安人乙科授廸功郎調高郵軍司兵曹事

沈與求朱

夫人墓志

潘莘蕢兄亦登進士授廸功郎調西安縣尉

上

曾炎隆興元年進士

別見寓公

慶元二年丙辰榜顧元龍任黃巖縣丞

烏青志

端平二年乙未榜顧巖元龍子仕至禮部尚書

淳祐十年庚戌特科沈鐸仕至工部侍郎

泰定四年丁卯科顏旒字景義仕至江西行省員外郎

並上

史圭文吳興人故宋舉進士授修職郎瑞安府司戶叅

軍

虞集史氏程夫人墓志詳寓公

趙麟字彥徵雍子也以國子生登第

書繪寶鑑

以下制策宏詞

仁宗朝以制策登科者十五人軾忝冒時有富彥國張

道安陳令舉軾與家弟轍輩九人存焉當時名公咸以

陳賢良稱之

東坡詩集
泰司馬溫公集

湖士中博學宏詞科者紹興壬戌沈介辛未莫冲甲戌

莫濟淳熙戊戌倪思

五海

陳晦字自明中童子科繼中博學宏詞科仕至刑部侍

郎兼中書舍人有文集三十卷

長興志

倪祖常中博學宏詞科官至侍郎

東林山志

以下鄉舉

唐鄉貢進士李翊

見掌故金石類

潘芑莘兄由鄉薦肄太學

龜溪集

宋劉瞳鄉進士

武康志

談重字元鼎吳興人屢領鄉薦

齊東野語

張元會號愛松居士宋鄉貢進士

烏青志

壺嘉會字子禮烏程人中嘉定十四年鄉試為同安主

簿見西山廣記

烏青志

屠璿臨安省元

詳人物

趙彥亨文敏公從孫也通周易至正乙巳試藝浙江鄉

闡與薦

宋學士集

沈夢麟字元昭元癸巳以易經中乙科

以下封廕

張維烏程人能詩以子先貴贈尚書刑部侍郎

孫莘老張氏十

咏圖跋

劉餘慶以從子述貴贈殿中丞周守中以子頌貴吳琰

以子知幾貴俱贈大理丞

癸辛樵識

陳迪長興人以子樞貴贈尚書屯田員外郎配周氏封

德清縣君

曾南
豐集

葛立方以子邲貴贈太師封越國公配雍氏贈陳國夫

人

陳止
齋集

元程子涑公許子以孫邠貴贈奉直大夫

黃文
獻集

程繩翁以子邠貴贈奉訓大夫台州路黃岩州知州飛

騎尉追封烏程縣男配陶氏封烏程縣君

倪守真以子淵貴贈承務郎松江府判官配濮氏贈恭

人並上

張按明興以來烏程陳寶以子秉中貴贈翰林編修

見黎淳陳秉中墓志

又烏程吳昂以子瓊貴封承德郎武選司

主事

見華亭張弼墓志

郡志闕焉無紀况前朝哉茲特搜其

一二酌古者其廣之

盧知原法原俱以父任入官 沈詵以大父與求廕補

京秩

周淙 李浹 倪思諸子 沈作賓

俱見宋本傳

李澄彥穎子以廕至兵部侍郎

德清志葉水心集

葛邲以廕補上元丞後登第

本傳

俞徵以伯祖俟恩入仕

齊東野語

趙與嘗以父希永廕調參軍

松雪齋集

時傑時侃時佐時行以父衍之廕入仕

合璧事類

李仁本通直郎知南陵縣李仁方承事郎知仁和縣李

仁表迪功郎海鹽縣主簿李仁元通事郎俱太府少卿

李浹廕

葉水心集

趙孟頫以與嘗廕補承務郎

松雪齋集

趙雍以孟頫廕授海州知州

文敏公神道碑

吳興備志卷十八